

Qaraar Caddaynaaya in Dugsiyada Caamka ah ee Degmada Jefersoon yihiin Dugsiyo Degmeed Goob Nabadiino ah

MARKII LA XAQIIQSADAY, Maxkamadda Sare ee Dalka Maraykanka waxay caddaysay in dugsiyada caamka ah aanay u diidi Karin canug walbo inuu helo waxbarasho lacag la'aan ah iyadoo ku saleeyaan xaaldda sharciga joogitaanka dalka ee Imigreeshanka; iyo

MARKII LA XAQIIQSADAY, 136 Luqadood ayey ku hadlaan ardayda Dugsiyada Caamka ah ee Degmada Jefersoon(JCPS), boqolkii 7 ka mid ah ardayda 101,000 ee dugsiyada JCPS ayaa loo aqoonsaday inay yihiin kuwo Luqaddooda Ingiriisiga yahay mid Xaddidan (LEP), iyo boqolkii 6 ay ka helaan dugsiyada adeegga Afka Ingiriisiga ee Luqad Labaad ahaan (ESL); iyo

MARKII LA XAQIIQSADAY, Tirada ardayda u baahan adeegga ESL ay tahay mid ku sii badnaaneysaa degmada

MARKII LA XAQIIQSADAY, Boqolkiiba 55 ardayda dugsiyada JCPS waa kuwo midabyo kala duwan leh, waxaa ka mid ah boqolkiiba 37 Afrikaan Maraykan ah, boqolkiiba 10 waa Isbaanish, boqolkiiba 4 waa Aashiyaan , iyo boqolkiiba 4 waa labo ama wax ka badan qolooyin kale; iyo

MARKII LA XAQIIQSADAY, JCPS waxay aaminsanyihiin inuu ma'uuliyad ka saaranyahay soo dhaweynta iyo waxbaridda dhammaan ardayda iyadoo la eegin xaaladdooda imigreeshanka sida ay tahay, waxayna ku faanaan ka qayb qaadashada waxbarashada ee beesha dadka kala duwan, mana oggola in la carqaladeeyo ama la cabsi geliyo fulinta mas'uuliyaddaas.

MARKII LA XAQIIQSADAY, JCPS waxay uga go'antahay xaqiijinta in dhammaan dugsiyadeena yihiin meel ammaan iyo soo dhaweyn ka helaan dhammaan ardaydeena iyo reerahooda; iyo

MARKII LA XAQIIQSADAY, arday badan oo tacliintooda, ammaankooda, xaaladda shucuurtooda, iyo isku-xirnaanshaha reerka ay khatar gashay xaaladda imigreeshanka darteed, mustaqbalkana ay sidaas noqon doonto, kuna jiraan dugsiyada JCPS; iyo

MARKII LA XAQIIQSADAY, Fulinta sharciga imigreeshanka ee dawladda federaaliga waxaa laga yaabaa inuu aad u saameeyo bey'adda waxbarasho ee dhammaan ardayda, iyadoo la fiirsan xaaladdooda imigreeshan, ay xaq u qabaan; iyo

MARKII LA XAQIIQSADAY, ma jirto sharci dawladeed ama goboleed ee ku qasba dugsiyada caamka inay ilo ama hanti maaliyadeed ama wax kale ku bixiyaan fulinta sharciyada dawladda federaaliga ee la xiriira imigreeshanka; iyo

MARKII LA XAQIIQSADAY, shaqaalaha waxbarashada mar walbo diyaar u yihiin inay gacan siiyaan, waxii ilo iyo macluumaad ay uga caawiyaan ardayda iyo waxbarashada ardayda. Taasoo ku jirto shucuurtooda iyo caafimaadkooda; iyo

MARKII LA XAQIIQSADAY, waxaan aaminsanahay inay ku jirto maslaxadda ardayda, shaqaalaha, reerada iyo bulshada aan u adeegno in Degmada ay u ballan qaadeeyso dhammaan ardayda iyo reerada in waxii carqaladeeya bey'adda waxbarashada ka yimaada Fulinta hawlaha Imigreeshanka iyo Hawlaha qaybta Canshuur Bixinta (ICE) looga hortegi doono dhammaan awoodda sharciga aan la kaashan karno.,

SIDAAS DARTEED, WAXAA HADDA LA GO'AANSADAY:

1. Guddoonka Waxbarashada Degmada Jefersoon wuxuu caddeynooya in dugsi walbo oo ka mid ah JCPS uu yahay goob ay ku nabad-galaan ardayda iyo reerada lagu cabsi geliyey fulinta sharciga imigreeshanka ama midab kala sooca. Waxaanu taagerayna si buuxda ah inta sharci ahaan la oggolyahay.
2. Ilaa uu jiro arrin si gaar ah oo ka socda ammar maxkamadeed oo sax ah, shaqaalaha JCPS, qandaraasleyaasha, mutatawi'iinta, iyo wakiillada ma isctimaali karaan ilaha degmada ujeedo dad raadis ama cabsi gelin dadka dembigood keliye uu yahay deganaan dalka Maraykanka sharci la'aan, ama aysan haynin dokumenti muujinaysaa ruqsadda joogitaanka dalka Maraykanka.
3. Shaqaalaha JCPS, qandaraasleyaasha, mutataw'inta iyo wakiilada waa inay ka fogaadaan weydiinta ardayda, waalidka, ama mas'uulka ardayga arrimo la xiriira xaaladdooda imigreeshan..
4. Shaqaalaha JCPS, qandaraasleyaasha, mutataw'inta iyo wakiilada waa inay ka fogaadaan weydiinta ardayda, waalidka, ama mas'uulka ardayga caddaynta xaaladdooda imigreeshan..
5. Shaqaalaha JCPS, qandaraasleyaasha, mutatawi'inta iyo wakiilada waxaa ka reeban inay siiyaan macluumaadka la xiriira xaaladda imigreeshanka ardayda ama reerkooda saraakiisha imigreeshanka iyo xoogaynta Canshuur-Bixinta (ICE) ama qof ama qolo kale ilaa ay ku qasabto amar maxkameeed oo dhab ah ama ay ka helaan ruqsad uu saxiixay waalidka.
6. Shaqaalaha JCPS, qandaraasleyaasha, mutatawi'inta iyo wakiilada waxaa ka reeban inay siiyaan wax macluumaad ah oo ku saabsan arday ka mid ah JCPS saraakiisha imigreeshanka iyo Fulinta arrimaha Canshuurta (ICE) ama qof ama qolo kale ilaa ay ku qasabto amar maxkameeed oo sugan ama ay ka helaan ruqsad uu saxiixay waalidka ama mas'uulka. Sharciga ilaaliya macluumaadka Ardayda waxaa la yiraahda Xuquuqda Tacliinta Reerka iyo Sharciga Khaas ahaanshaha (FERPA).
7. Ma jiraan saraakiil ka socdaan Imigreeshanka iyo hay'adda xoogaynta Canshuurta –Bixinta(ICE) ama shaqaale ka socdaan fulinta sharciga imigreeshanka loo oggolaan doono inay soo gelaan Dugsiyada JCPS ama dhismayaasheeda kana fuliyaan sharciyada imigreeshanka ilaa:
 - a. La ogeysiyo Kormeeraha Guud ee JCPS ujeeddada soo geliddooda muddo ku filan ka hor si Kormeeraha uu ka shaqayn lahaa ammaanka shucuurta iyo jirkaba ardayda iyo shaqaalaha.
 - b. Kuwa rabaan inay soo gelaan dhismayaasha waa inay u keenaan Kormeeraha aqoonsigooda, asbaabta codsiga soo gelidda dhismayaasha, iyo ruqsad qoraal ah, oo sharciyeeya soo geliddaan; iyo
 - c. Kormeeraha Guud wuxuu go'aan ka gaaraa/ka gaarta arrintaas kadib markii uu la tashado sida ay u suurta gasho la Taliyaha Arrimaha Sharciga Degmada, haddii codsiga soo gelidda la oggolaan karo.

8. JCPS waxay u sii wadeesaa adegga la talinta kalsoonida leh dhmmaan ardayda, ayna ku jiraan kuwa cabsi ka qabaan waxii ku dhaci doono iyaga ama xubno ka mid ah reerahooda xaaladda imigreeshanka dartiisa. Inagoo weydiinin xaaladdooda imigreeshanka ayaan u diraynaa ardayda cabsida ka qabaan arrintaan hay'adaha ka siiyaa macluumaad sax ah oo la xiriira xuquuqda ay leeyihiin iyo mas'uuliyadda ka saaran sida uu qabo sharciga imigreeshanka.
9. Looma diidi karo arday ka mid ah JCPS si xaq ah inuu helo adeegyada oo dhan, tacliin ama wax kale, ayna ku jirto helista abaal marinyada ama deeq waxbarasho, iyadoo lagu saleynaayo xaaladda imigreeshanka ardayga.
10. JCPS waxay u qaybin doonaan Qaraarkan dhammaan ardayda, waalidiinta iyo shaqaalaha, qandaraasleyaasha, mutatawi.inta iyo wakiilada Degmada iyadoo la isticmaalooya is-gaarsiin saamayn leh laguno tarjumo Afafka kala duwan ee JCPS badanaa wax ku tajunto.
11. JCPS waxay si deg-deg ah dib u eegid ku samayn doontaa siyaasaddeeda hadda jirta iyo habka loo maro iyo dib u-hubin ilaa xadka looga baahanyahay la socodka Qaraarka.

INNAGOO MARAG KACAYNO, waxaan soo saxiixnay, soona amarnay shaabadda Guddoonka Waxbarashada ee Degmada Jefersoon, Kintaaki in lagu dhejiyo maalinta 7da Febraayo, 2017. Qaraarkan wuxuu dhaqan gelaa marka la marsiiyo(ama saxiixo).

Anigoo ah, _____, Kaaliyaha Xoghayaha Guddoonka, waxaan halkan ku caddaynaaya in waxii kor ku qoran uu run yahay uuna yahay koobiga sax ah ee qaraarka laga soo saarey shirka Guddoonka Waxbarashada ee Degmada Jefersoon ee bisha Febraayo 7, 2017 iyadoo meesha joogeen tirada ku filan sharci marsiinta wayna codeeyeen.

Kris Baraadi
Shir-Gudoomiye

Daana M. Hargins, Ed.D.
Kormeeraha Guud